




ხაშურის მთაშუა



№22 (53)

13 ივნისი, ორშაბათი,

2016 წელი

ჩქაროსნული ავტომაგისტრალის შემადგენელი ნაწილი აგარა-ზემო ოსიაურის 12-კილომეტრიანი გზის 7-კილომეტრიანი მონაკვეთი გაიხსნა. ღონისძიებას საქართველოს პრემიერმინისტრი დაესწრო

სიტყვით გამოსვლისას გიორგი კვიციანი აღნიშნა, რომ ახალი სატრანსპორტო ქსელის მშენებლობის მნიშვნელობაზე ისაუბრა და მთავრობის სახელით მადლობა გადაუხადა მსოფლიო ბანკს და სხვა საერთაშორისო საფინანსო ინსტიტუტებს აღნიშნულ პროექტებში მონაწილეობისთვის. პრემიერ-მინისტრის თქმით, დღეს საქართველოს ბევრი ტურისტი სტუმრობს, რომლებიც შეძლებენ ისარგებლონ ჩქაროსნული მაგისტრალით.



“ძალიან მოხარული ვარ, რომ დღეს ჩვენ მორიგი მონაკვეთი უნდა გაიხსნას - ეს არის აგარა-ზემო ოსიაურის მონაკვეთის უდიდესი ნაწილი. ძალიან კარგია, რომ ეს ხდება დღეს, ვინაიდან დღეს არის ბევრი ტურისტი ჩამოსული საქართველოში და როგორც ჩვენი მოქალაქეები, ასევე ჩამოსული სტუმრები ისარგებლებენ ამ გზით.


პრემიერ-მინისტრმა ისაუბრა მთავრობის გეგმის შესახებ და რეფორმების ოთხპუნქტიანი გეგმის ფარგლებში ქვეყნის სივრცითი განვითარების მიმართულებით დაგეგმილ ღონისძიებებზე. მისი თქმით, სივრცითი განვითარების მოდელის ერთ-ერთი ყველაზე მნიშვნელოვანი ნაწილი ახალი სატრანსპორტო ქსელის მშენებლობაა.

გიორგი კვიციანის განმარტებით, საქართველოს მთავრობა 2020 წლის ბოლოს უმთავრესი სატრანსპორტო არტერიების დასრულებას გეგმავს.

“ჩვენ ვგეგმავთ, რომ წელს გაიხსნას კიდევ რამდენიმე მნიშვნელოვანი მონაკვეთი, რიკოთის მონაკვეთი, ანუ ჩუმათელეთი-არგვეთას მონაკვეთი. უკვე დაწყებულია ამ პროექტზე ძალიან აქტიური მუშაობა და სავარაუდოდ უახლოეს პერიოდში დაიწყება უკვე რეალური მშენებლობითი სამუშაოები“. გიორგი კვიციანი აღნიშნა, რომ მთავრობის მიერ დაგეგმილ პროექტებში აქტიურად ჩაერთვება კერძო სექტორი და საქართველო რეალურად შეძლებს შეასრულოს აბრეშუმის სარტყელის” შემადგენელი, ერთ-ერთი ძალიან მნიშვნელოვანი ქვეყნის ფუნქცია.

პრემიერ-მინისტრმა გზის გახსნა ასევე მიულოცა ადგილობრივ მაცხოვრებლებს. მისი თქმით, ჩქაროსნული მაგისტრალი მნიშვნელოვან როლს ეკონომიკის განვითარებაში.

“მინდა ასევე მივულოცო ადგილობრივ მაცხოვრებლებს. 500-ზე მეტი ადამიანი ადგილობრივი დასაქმებული მარტო ამ მონაკვეთზე, რაც ძალიან მნიშვნელოვანია, რომ ადამიანები საცხოვრებელი ადგილის მიტოვების გარეშე შოულობენ თავიანთ სარჩო-საბადებელს თავიანთ ოჯახებს ინახავენ, ეს უმნიშვნელოვანესია ჩვენთვის. ყველაფერი ეს რატომ უნდა, იმისთვის კეთდება, რომ საგზაო არტერიების განვითარებასთან ერთად განვითარდეს ჩვენი ქვეყნის რეგიონები და



ჩვენი ქვეყნის სატრანსპორტო ფუნქცია, რაც ძალიან მნიშვნელოვანია საქართველოს ეკონომიკური განვითარებისთვის. კიდევ ერთხელ გილოცავთ და მე ნამდვილად მჯერა, რომ ჩვენ, ყველანი ერთად ავაგუგუნებთ საქართველოს,” - აღნიშნა პრემიერმა.

აგარა-ზემო ოსიაურის მონაკვეთი ე.წ. „აბრეშუმის სარტყელის“ შემადგენელი ნაწილია და ევროპა-აზიის გავლით, ჩინეთში სატრანსპორტო მიმოსვლის მნიშვნელოვან კვანძს წარმოადგენს. აგარა-ზემო ოსიაურის 12 კილომეტრიანი მონაკვეთიდან გაიხსნა 7 კილომეტრი, დარჩენილ 5 კილომეტრზე კი სამუშაოები წლის ბოლოს დასრულდება. აგარა-ზემო ოსიაურის 12 კილომეტრიანი მონაკვეთის პროექტით, ევროპული სტანდარტების შესაბამისად შენდება 4 ხოლიანი ცემენტ-ბეტონის გზა, 2 სატრანსპორტო კვანძი, 2 პარალელური ხიდი და 2 გზაგამტარი. მონაკვეთის მშენებლობაზე დასაქმებულია 500-მდე ადამიანი.

გზის გახსნის ღონისძიებას საქართველოს რეგიონული განვითარებისა და ინფრასტრუქტურის მინისტრი ნოდარ ჯავახიშვილი და მსოფლიო ბანკის რეგიონალური დირექტორი სამხრეთ კავკასიაში მერსი ტემბონი დაესწრნენ.

ხაშურის მუნიციპალიტეტის საკრებულოს განკარგულება N47

2016 წლის 6 ივნისი, ხაშური

2016 წელს განსახორციელებელი ხაშურის მუნიციპალიტეტის ტერიტორიაზე მოქმედი რელიგიური დანიშნულების ორგანიზაციების ხელშეწყობის, მათი შენობა-ნაგებობების მშენებლობის და ინფრასტრუქტურის მოწესრიგების მუნიციპალური პროგრამა

პროგრამის მიღებით მოხდება რელიგიური დანიშნულების ორგანიზაციების ხელშეწყობა, აღნიშნული პროგრამა რამდენიმე წელია ხორციელდება და აქვს დადებითი შედეგები, დასრულდა რამდენიმე რელიგიური დანიშნულების შენობა-ნაგებობების მშენებლობა-რეაბილიტაცია, რისი დასრულებაც წლების მანძილზე პრობლემას წარმოადგენდა, ასევე მიმდინარე წელს პროგრამით გათვალისწინებულია რელიგიური დანიშნულების ორგანიზაციების ინფრასტრუქტურის მოწესრიგება.

საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის 1-ლი და მე-2 პუნქტების, ამავე კანონის მე-19 მუხლის „ბ“ ქვეპუნქტის, 54-ე მუხლის პირველი პუნქტის „ე-გ“ ქვეპუნქტის შესაბამისად:

- საკრებულო ადგენს:
1. დამტკიცდეს 2016 წელს განსახორციელებელი ხაშურის მუნიციპალიტეტის ტერიტორიაზე მოქმედი რელიგიური დანიშნულების ორგანიზაციების ხელშეწყობის, მათი შენობა-ნაგებობების მშენებლობის და ინფრასტრუქტურის მოწესრიგების მუნიციპალური პროგრამა.
 2. განკარგულება აღსასრულებლად გაეგზავნოს ხაშურის მუნიციპალიტეტის გამგეობას.
 3. განკარგულება ძალაში შევიდეს ხაშურის მუნიციპალიტეტის საკრებულოს ვებ-გვერდზე www.khashuri.org.ge გამოქვეყნებისთანავე.
 4. განკარგულება შეიძლება გასაჩივრდეს დაინტერესებული პირის მიერ მისი გაცნობის დღიდან ერთი თვის განმავლობაში ხაშურის რაიონულ სასამართლოში (მის: ქ. ხაშური, კოსტავას ქ. №15);

ხაშურის მუნიციპალიტეტის საკრებულოს თავმჯდომარე ვაჟა შუბითიძე

მუნიციპალიტეტის საჯარო სკოლაში საშუალო საბჭოების ხიჩვნიები ჩატარდა

ისევე როგორც საქართველოს ყველა საჯარო სკოლაში, ხაშურის მუნიციპალიტეტში, 10 ივნისს სკოლის თვითმმართველობის უმაღლესი ორგანოს - სამეურვეო საბჭოს არჩევნები გაიმართა. სამეურვეო საბჭო სკოლის მმართველობაში ერთ-ერთი მნიშვნელოვანი რგოლია, მის წევრებს მშობლები და პედაგოგები ირჩევენ. სამეურვეო საბჭო ირჩევს სკოლის დირექტორს, ამტკიცებს სკოლის ბიუჯეტსა და შინაგანაწესს, ითანხმებს სასკოლო-სასწავლო გეგმას. საბჭოს წევრები არიან სკოლის მასწავლებლები, მშობლები და საშუალო საფეხურის ერთი მოსწავლე.

სურათზე: არჩევნები სურამის III საჯარო სკოლაში.



06/08/2016

სტიქიით დაზარალებულმა ახალი საცხოვრებელი მიიღო



ხაშურის მუნიციპალიტეტის გამგებელმა-გიორგი გურასპაშვილმა სოფელ ახალშენში რამდენიმე დასრულებული პროექტი დაათვალიერა. მათ შორის, ახალშენის ხიდი და 2015 წლის 12-14 ნოემბერს მომხდარი სტიქიის შედეგად დაზარალებული, ეთერ ხარებაშვილის საცხოვრებელი სახლი, რომელიც ცენტრალური ბიუჯეტიდან გამოყოფილი თანხით აშენდა. გამგებელი ასევე დაინტერესდა სოფელში, წყლის ქსელის მოწყობის სამუშაოების მიმდინარეობით. აღნიშნული პროექტი ივნისის თვეში დასრულდება და მნიშვნელოვნად გააუმჯობესებს მოსახლეობის წყლით მომარაგების საკითხს.



შეხვედრა ფერმერ ქალთა ასოციაციასთან

8 ივნისს, ხაშურის მუნიციპალიტეტში სოფლის მეურნეობის სამინისტროს ხაშურის საკონსულტაციო-საინფორმაციო სამსახურის მხარდაჭერით გაიმართა შეხვედრა ფერმერ ქალთა ასოციაციის წარმომადგენლებთან. შეხვედრას უძღვებოდა ასოციაციის თავჯდომარე ირინე ფხოველიშვილი. საუბრის დასაწყისშივე ქალბატონმა ირინემ პირადად გაიცნო დამსწრე ფერმერები და სოფლის მეურნეობაში ჩაბმული ქალბატონები და დეტალურად გაეცნო მათ საქმიანობასა და არსებულ პრობლემებს. თავის მხრივ, მანაც, ზედმიწევნით ისაუბრა ასოციაციის აქტივებზე და ქალების აქტიურ ჩართულობაზე აგრარულ სექტორში.

ფერმერ ქალთა ასოციაცია დაფუძნდა გაეროს განვითარების პროგრამის (UNDP) მხარდაჭერით 2013 წლის 20 ივნისს. ის წარმოადგენს ფერმერი ქალების ნებაყოფლობით გაერთიანებას და თავის საქმიანობას ასორციელებს საქართველოს კონსტიტუციის შესაბამისად.



ასოციაციის თავჯდომარემ აღნიშნა, რომ შექმნის დღიდან დაიხსნა კონკრეტული მიზნები წარმატების მისაღწევად, რომელიც გულისხმობს შემდეგ: ასოციაციის ინსტიტუციონალური გაძლიერება, სოფლის მეურნეობის პროცესში აქტიური ჩართულობა, ფერმერ ქალთათვის განათლების მიღებასა და კვალიფიკაციის ამაღლებას და მათ დაინტერესებას აგრარულ სფეროში მიმდინარე საკითხებით.

ირინე ფხოველიშვილი, ფერმერ ქალთა ასოციაციის თავჯდომარე: ჩვენი ასოციაცია სამი წლის წინ ხუთმა ქალბატონმა ჩამოყალიბებულ კახეთის რაიონის ხუთი რეგიონიდან, დღესდღეობით კი, ჩვენი წევრების რაოდენობა 150 წევრს ითვლის. ამ დროის განმავლობაში ჩვენი საქმიანობით უდიდეს წარმატებას მივაღწიეთ. ყოველთვის ვთვლით, რომ ასოციაციის არსებობის ნებისმიერ ეტაპზე მნიშვნელოვანია ზუსტად იყოს განსაზღვრული ის ძირითადი დირექციები, რომლებიც ხელს უშლის მათი საქმიანობის უკეთ წარმართვას. მათ დაასახელეს შემდეგი საკითხები: სოფლებში გასარწყავების სისტემის და ინფრასტრუქტურის მოწესრიგება, სოფლების ბოლომდე გაზიფიცირება, შიგა საპლანტაციო გზების მოწესრიგება. მიწების არაშესაბამისი გადასახადები, პარაზიტების საწინააღმდეგო პრეპარატებით სათანადო მომარაგება და სასურველი დაზღვევა გვაღვაზე. ქალბატონმა ირინემ დახმარება აღუთქვა მათ და შესთავაზა ასოციაციაში გაწევრიანება, რომელიც სთავაზობს მათი უფლებების დაცვას ყველა დონეზე, დარგობრივ კონსულტაციებს, პირველად იურიდიულ კონსულტაციებს, ადვოკატირებას ადგილობრივ და სამთავრობო სტრუქტურებთან და საჭიროებების გათვალისწინებით საინფორმაციო მასალის მომზადებას და უფასოდ მიწოდებას.

თ. ახალკაცი

ღვინის ფესტივალზე ჩვენმა მეღვინეებმა სერთიფიკატები მიიღეს

ამ დღეებში, გორის გამგეობისა და გორისა და ატენის ეპარქიის ერთობლივი ინიციატივით, სოფელ ატენში ღვინის ფესტივალი გაიმართა. ფესტივალის ცენტრი ორბელიანთა საგვარეულო მარანი იყო, სადაც შიდა ქართლის მეღვინეებს საკუთარი პროდუქცია წაქონდათ წარმოდგენილი. ფესტივალში უცხოელებიც მონაწილეობდნენ და ცნობილი სომალიები აფასებდნენ ღვინის ღირსებას. ფესტივალზე საკუთარი პროდუქცია ჩვენი მუნიციპალიტეტის სამმა ცნობილმა მეღვინემ – გიზო ცუცქვირიძემ (ძელშავი, ქვიშხურა, ჩინებული), გიორგი პაპუაშვილმა (თავკვერი, გორული მწვანე) და პაატა ლალუაშვილმა (გორული მწვანე) წარადგინეს. სომალიების საერთო შეფასებით მათმა ღვინეებმა უმაღლესი შეფასება დაიმსახურეს და სამივეს სერთიფიკატები გადაეცათ.

ჩვენი მეღვინეების ფესტივალზე წარდგენა ხაშურის მუნიციპალიტეტის გამგეობამ და სოფლის მეურნეობის სამინისტროს ხაშურის საინფორმაციო-საკონსულტაციო სამსახურმა უზრუნველყო.

აღსანიშნავია, რომ ფესტივალი წელს პირველად გაიმართა და ორგანიზატორების გადაწყვეტილებით, იგი ყოველწლიური გახდება. ეს კი მართლაც საუკეთესო საშუალება იქნება ქართული ღვინის პოპულარიზაციისა და მეღვინეების პროდუქციის შემდგომი რეალიზაციისათვის.

ბულებები, რაც უზრუნველყოფს ასოციაციის მდგრად განვითარებას და მის აქტიურ როლს სოფლის მეურნეობის განვითარებაში, რაც მიიღწევა წევრების პროფესიული განათლების მიღებისა და მათი ჩართულობით მნიშვნელოვან ბიზნესს და საზოგადოებრივ ინიციატივებში. ძალიან კმაყოფილი ვარ დღევანდელი შეხვედრით და მოხარული ვარ ხაშურელი ქალბატონების საქმიანობისა და პრობლემების გაცნობით, ასოციაცია ყველანაირად შეცდება მათ პრობლემებს სწორი ფორმულირება მოუძებნოს და აღმოფხვრას ისინი.

ასოციაციის წარმომადგენლებმა ისაუბრეს მნიშვნელოვან როლზე სოფლის მეურნეობის გარკვეული დარგების აღორძინებაში. ასოციაცია აქტიურად მუშაობს ენდემური ჯიშების გადარჩენასა და გამოყვანაში, მაგალითად მათ მოახერხეს გადაარჩინათ „ასლი“ – კილიანი ხორბალი, რომელსაც 5000 წლიანი ისტორია აქვს და „შავთავა“ – ქერის უძველესი ჯიშის მუშაობენ „უეკლო“ მაცვლის პოპულარიზაციისათვისაც, რომელიც ამჟამად გურჯაანში 4 პექტარზეა გადაჭიმული და კარგ მოსავალსაც იძლევა. ერთ-ერთი მნიშვნელოვანი აქტივობაა სოფლად მცხოვრებ ქალთა დღის აღნიშვნის დაწესება, რომლის ძირითადი მიზანია შემოქმედ ქალთა აღმოჩენა. ეს დღე – „ღვინის“ უკვე სახალხო ზეიმად იქცა. გამოფენა-გაყიდვაზე ხდება ქალბატონების მიერ შექმნილი ხელნაკეთი ნივთების და სასოფლო-სამეურნეო ნაწარმის გამოტანა. ეს დღე, რა თქმა უნდა, წინგადადგმული ნაბიჯია სოფლის მეურნეობაში ქალთა როლის გაძლიერებისათვის.



ირინე ფხოველიშვილმა თითოეული ქალბატონისაგან მოისმინა პრობლემები, რომლებიც ხელს უშლის მათი საქმიანობის უკეთ წარმართვას. მათ დაასახელეს შემდეგი საკითხები: სოფლებში გასარწყავების სისტემის და ინფრასტრუქტურის მოწესრიგება, სოფლების ბოლომდე გაზიფიცირება, შიგა საპლანტაციო გზების მოწესრიგება. მიწების არაშესაბამისი გადასახადები, პარაზიტების საწინააღმდეგო პრეპარატებით სათანადო მომარაგება და სასურველი დაზღვევა გვაღვაზე. ქალბატონმა ირინემ დახმარება აღუთქვა მათ და შესთავაზა ასოციაციაში გაწევრიანება, რომელიც სთავაზობს მათი უფლებების დაცვას ყველა დონეზე, დარგობრივ კონსულტაციებს, პირველად იურიდიულ კონსულტაციებს, ადვოკატირებას ადგილობრივ და სამთავრობო სტრუქტურებთან და საჭიროებების გათვალისწინებით საინფორმაციო მასალის მომზადებას და უფასოდ მიწოდებას.





პაატა ბურჭულაძესთან ერთად

ჩემი რესპოდენტის მოღვაწეობის შესახებ ერთ-ერთი სოციალური ქსელიდან გავიგე. დავურეკე, შევთანხმდით და შევხვდით კიდეც. ლევან ტაბატაძე ქვიშხეთში დაიბადა, მისმა ვოკალურმა მონაცემებმა და ადამიანებმა, რომლებმაც განსახლვრეს სამომავლოდ მისი ბედი, ოპერამდე მიიყვანა. ადვილი არ ყოფილა, იშრომა, შრომობს, აჯობა და დღესაც ბრძოლაშია საკუთარ თავთან, რადგან პასუხისმგებლობები აქვს, სიყვარული აქვს ოჯახისა და პედაგოგების მიმართ-სიყვარული აქვს საქმის მიმართ, რომელიც აირჩია, დაიხლოვა და სულსა და გონებაში დაუთმო ადგილი. როდესაც საუბარი დავიწყეთ, უკვე კარგად ჩანდა 25 წლის ბარიტონის

შინაგანი ხასიათი-მტკიცე, მებრძოლი, რომლის თვალებიც ზუსტად ჰვრეტს მანძილს, სადაც მისი მომავლის გზა ჩანს. ფანდურით დაიწყო, რომელიც ახლა დასაწყისის სიმბოლოა. არც უფიქრია საოპერო მომღერლობაზე, ყველაფერი შემთხვევით მოხდა. ყველგან უფლის ხელს და ნებას ხედავს. საქართველოში უკვე შემდგარ ბარიტონს, რომელსაც თავისი ვოკალური შესაძლებლობის მიუხედავად, ზომიერი ამბიცია აქვს, გზა ევროპისაკენ უდევს, სადაც მისი მომავალი უნდა შედგეს და გამოიძერწოს-ევროპამ იცის ნიჭის დაფასება-მეტ შესაძლებლობას იძლევა განვითარების, წინსვლისათვის. როგორც ვთქვით, ეს მომავალია, რომელზეც ლევანი ფიქრობს, შრომობს და მთელ თავის ადამიანურ და პროფესიულ რესურსს დებს. რთულია თავი დაიმკვიდრო, რთულია შენი სახელი უღერდეს, ბუნებრივ მომღერალ ერში, ტკივილსა და წუხილშიც გაუღიღო სიმღერა რომ დააქვს, ლევანი ამის მაგალითია:

—ჩემს ოჯახში ყოველ დღესასწაულზე ან ოჯახურ შეკრებაზე ყოველთვის იყო მუსიკა, სიმღერა. პაპანემი აკორდეონზე უკრავდა, გლეხი კაცი იყო, ღიღინით მიდიოდა და მოდიოდა ბაღში. ბებიაც მღეროდა, აუდიო კასეტაზე დღესაც ვინახავ მათი სიმღერის ჩანაწერს. მამასაც ჰქონდა თავისი გატაცებები, სახ-



„რიგოლეტო – ფინალური სცენა

ლში დასარტყამი ინსტრუმენტები ჰქონდა საკუთარი ხელით აწობილი, მუსიკის დიდი მოყვარული იყო. თუმცა, ეს ყველაფერი მხოლოდ ოჯახურ გარემოში ხდებოდა და ამ საქმით სერიოზულად არავინ დაინტერესებულა. მე 5-6 წლის ვიყავი, როდესაც ფანდურის წრეზე შემოვიყვანეს ქვიშხეთში ბატონ მურად ღონდაძესთან. დაახლოებით 3-4 წელი ვიარე ფესტივალებზე დავედიოდი. ძალიან კარგად მახსენდება ეს პერიოდი, რადგან აქ ვეზიარე პირველად მუსიკას. შემდეგ ფორტეპიანოზე გაგაგრძელე თინა გომარელთან, დედის დაძალება და სურვილი უფრო დიდი იყო ამ შემთხვევაში, ვიდრე ჩემი. მერე იყო ვია ბოლოკაძის სტუდია, სადაც ვსწავლობდით სასცენო მოძრაობებს, ცეკვას და საესტრადო სიმღერებს.

გამოვიდით დელფიადაზე შიდა ქართლის მასშტაბით, საკმაოდ წარმატებული გამოსვლები გვქონდა, რამდენიმე ჯილდოც მაქვს აღებული კონკურსებზე. ეს ყველაფერი გარდატეხის ასაკამდე გრძელდებოდა.

- როგორ მოვიდა შენთან კლასიკური მუსიკის სიყვარული?
—16 წლის ასაკში ვეღარ ვმღეროდი, ვაპირებდი კიდეც თავი დამენებებინა სიმღერისათვის, მაგრამ ბიძაჩემმა, რომელიც ყველაზე დიდი გულშემატყვიარია ჩემი, ყველაფერი გააკეთა ჩემი წარმატებისათვის. დაუკავშირდა ქალბატონ ნათელა კაციტაძეს (მე ვსაუბრობ იმ ადამიანებზე, რომლებმაც მიმართულება მომცეს და ცხოვრების სხვადასხვა ეტაპზე განსახლვრეს ჩემი ბედი უფალთან ერთად). გორის სულხან ცინცაძის სახელობის სამუსიკო კოლეჯში ასწავლიდა მაშინ ქალბატონი ნათელა, თბილისიდან დადიოდა, ვოკალის სპეციალისტი იყო. როდესაც მომისმინა, მოვეწონე, თუმცა, ეს ყველაფერი მე არ მომწონდა მაშინ. ძალიან ენერგიული ქალი იყო, შრომისმოყვარე, სხვა კუთხით დამანახა ეს ყველაფერი, დამაინტერესა და 3 წლის განმავლობაში ვსწავლობდი გორში. ძალიან ბევრი კარგი კონცერტი ტარდებოდა, დიდი გამოცდილება მომცა ამ პერიოდმა.

- კონსერვატორიამდე როგორ მიხვედი?
—სოფელში ვიყავი იმ პერიოდში, ავტოკატასტროფაში მოვეყვი, მსუბუქი დაზიანებებით, სახლში ვაგრძელებდი მკურნალობას, წოლითი რეჟიმში მქონდა. ოჯახის ახლობელი იყო სტუმრად, როდესაც გაიგო რომ ვმღეროდი, მითხრა, რომ ჰყავდა ნაცობი საოპერო მომღერალი მამუკა ლომიძე, დაურეკა და სთხოვა მოესმინა ჩემთვის. მამუკა მაშინ უკვე ცნობილი მომღერალი იყო, ავსტრიაში, საფრანგეთში და იტალიაში მოღვაწეობდა. დღემდე მადლობელი ვარ მისი, საშინელი გრაფიკის მიუხედავად, გამონახა დრო, მომისმინა და თავის ვოკალის პედაგოგთან თენგიზ მუშკუდიანთან გამიშვა კონსერვატორიაში. ბატონმა თენგიზმა მომისმინა და მითხრა, რომ მქონდა და სრულიად უსასყიდლოდ მისაღები გამოცდებითვის, უკვე სტუდენტობის თავისი ბინაც


ქვიშხეთელი ბარიტონი მსოფლიოს სცენების დასაპყრობად ემზადება

მამასავით ზრუნავდა ჩემზე ადამიანი, რომელსაც საოპერო სამყაროში დღემდე ბევრი მომღერალი მადლობს გაწეული უანგარო დახმარებისათვის. გამოცდებამდე 6 თვე იყო დარჩენილი, ჩემ ოჯახს არ ჰქონდა იმხელა ფინანსური შესაძლებლობა, ჩემი კონსერვატორიაში სწავლა უზრუნველყო იმ შემთხვევაში, თუ ფასიან სექტორზე მოვხვდებოდი. მაშინ მიხვედი, რომ არ მქონდა უფლება ჩემი მშობლების და იმ ადამიანების იმედები არ გამეშარებებინა, რომლებსაც ჩემი შესაძლებლობების სჯეროდათ. 6 თვის განმავლობაში საშინელი რეჟიმში მქონდა, თბილისში სოლოფეჯიოს გაკვეთილები, 4 ნაწარმოები ბატონ თენგიზთან. დილის 5 საათზე ვდგებოდი, მოვეყვიბოდი მატარებელს ხაშურში, გზაში ვმეცადინებოდი სხვა საგნებში. ამ ყველაფერმა ის შედეგი მოიტანა, რომ კონსერვატორიაში ჩავირიცხე.

- ესაა გზა, რომელმაც ოპერამდე მიგიყვანა...
—ოპერის მომღერლობა ძალიან დიდ შრომასთანაა დაკავშირებული. სულ მობილიზებული ხარ, გამუდმებით მუშაობ საკუთარ თავზე, ბევრი რამის დათმობა გიწევს. ხშირად დამის 12 საათზე მიწევს სახლში მისვლა. მაგრამ ეს არის საქმე, რომლის კეთებაც გამსაკუთრებულ სიამოვნებას მანიჭებს. ამჟამად ოპერაში ვმუშაობ გუნდის მსახიობად. პარალელურად, საოპერო მომზადების კათედრაზე ვარ-საოპერო სტუდია მომღერლისთვის ძალიან მნიშვნელოვანია. მაგისტრატურის პირველ კურსს ვასრულებ უკვე, კომლერე სპექტაკლები ვერდის "რიგოლეტო", პუჩინის "ბოჰემა", დასრულებული, კოსტიუმირებული, მადალი დონის სპექტაკლები. თითქმის ყველა სეზონზე, ყველა სპექტაკლში ვარ დაკავებული. ერთ-ერთი ყველაზე დიდი სირთულის და სასურველი პარტიაა ბარიტონისთვის ვერდის "რიგოლეტო", რამაც მსმენელის დიდი მოწონება და ოვაცია დაიმსახურა. მანამდე, III კურსზე, ფალიაშვილის "დაისში" კიახოს პარტია შევასრულე, სადაც ჩემი დებიუტი შედგა. პუჩინის "ბოჰემაშიც" 3 სპექტაკლი ვიმღერე.

- ცნობილ საოპერო მომღერლებთან თუ გიმუშავია?
—როდესაც ვსწავლობდი ბაკალავრიატში, პაატა ბურჭულაძის სტიპენდიას ვიღებდი. მქონდა მასთან შეხვედრა, მომისმინა, არ მინდა მომავალზე ვილაპარაკო, თუმცა, არსებობს გეგმები, რომელზეც ვისაუბრეთ. როდესაც ოპერის თეატრი გაიხსნა და "აბესალომ და ეთერის" პრემიერები იყო, ბევრ ცნობილ საოპერო მომღერლებთან მიწვევა ურთიერთობა, თამარ ივერთან, ლადო ათანელთან და ბევრ სხვასთან, მათთან ურთიერთობა დიდი ფუფუნებაა, თავისი საქმის პროფესიონალები არიან. ყველაფრის სწავლა შეიძლება, მთავარი მონდომება და სურვილია. ადამიანი მთელი ცხოვრება მოსწავლეა. ერთი ფანდური მაქვს სახლში, როცა დავიწყე, იმდროინდელი. მახსოვს, ეს ფანდური ჩემმა ოჯახმა სამთვიანი დანახოვით მიყიდეს. როდესაც ვუყურებ იმ ფანდურს, ვისხენებ საიდან დავიწყე, საიდან მოვდივარ. ესაა სტიმული ჩემთვის, ერთგვარი პასუხისმგებლობა მშობლების და საკუთარი თავის მიმართ.

- სად ხედავ შენ თავს? არის ადგილი ან წერტილი, სადაც მიხვალ და გაჩერდები?
—ამ ეტაპზე გერმანულს და საოპერო პარტიებს ვსწავლობ. ვცდილობ, მაქსიმალურად ბევრი პარტია ვისწავლო. ვმუშაობ რეჟისორთან, დირიჟორთან. მინდა, სამომავლოდ ევროპას დავეუკავშირო ჩემი მომავალი და ამ ეტაპზე ამისათვის ყველაზე საუკეთესო გარემო და პირობები გერმანიაშია. მიუხედავად იმ დიდი სიყვარულისა, რასაც პირველ რიგში ჩემი რაიონის და შემდეგ ჩემი ქვეყნის წინაშე ვგრძნობ, ვერ ვხედავ იმ განვითარებას სხვადასხვა მიზეზების გამო, რომელიც შესაძლებლობას მომცემს მომავალზე ორიენტირებული კარიერა შევქმნა. ადამიანი ყოველთვის საუკეთესოსკენ მიდის თავისი ბუნებით. მიუხედავად იმისა, რომ ახლა ვიწვებ და კარიერაში ჯერ სერიოზული წარმატება არ მქონია, ვერ ვიტყვი, რომ არის რაღაც ინსტანცია, სადაც მივალ და გაჩერ-



თენგიზ მუშკუდიანთან ერთად



ოპერა „დაისი“ – კიახოს პარტია

(დასასრული)

დები, სადაც შევანერებ განვითარებას. თუმცა, პირველი სამიზნე ამ ეტაპზე, გერმანიაა. არ შემიძლია დიდი მადლიერება არ გამოვხატო იმ ადამიანების მიმართ, რომლებმაც ჩემს პროფესიულ განვითარებაში დიდი წვლილი შეიტანეს, ესაა, პირველ რიგში, ბატონი თენგიზ მუშკუდიანი, დირიჟორები გოგი ჭიჭინაძე, რეზო ტაკიძე, საოპერო სტუ-

ქვიშეთული ბარიტონი მსოფლიოს სცენების დასაპყრობად ემზადება

დიის კათედრის მომღერლები და სხვები. ყველაფრის საწყისი რაც ადამიანს გააჩნია, ოჯახია. ყველაზე დიდი მადლობა ჩემს მშობლებს მიმდა გადავუხადო, ყოველთვის ჩემს გვერდით არიან და იმაზე მეტი მომცეს, რისი მოცემაც რეალურად შეეძლოთ.

- ხაშურში თუ გყავს გულშემატკივები? - ჩემი გულშემატკივრები ყველა ის ადამიანია, ვისთანაც რაიმე ტიპის ურთიერთობა მქონია. ერთ-ერთი ასეთი ადამიანი გია ბოლოკაძეა, რომელიც მირეკავს და მეპატიჟება კონცერტებზე.

დატვირთული გრაფიკის მიუხედავად, ვცდილობ ჩამოვიდე და ჩემ რაიონშიც ვიმღერო. ეს ძალიან სასიხარულო და მნიშვნელოვანია ჩემთვის.

- ახლა რითი ხარ დაკავებული? - ამ ეტაპზე საოპერო სტუდიაში არის საგამოცდო პერიოდი. ერთ-ერთ სტუდენტს ვეხმარები, ვერდის ოპერა "ტრაგიატაში" ჟენუნის პარტიას ვასრულებ. უდიდესი და ურთულესი დუეტია. ეს ყველაფერი ორკესტრთან ერთად მიმდინარეობს.

თავის სპექტაკლზე დამპატიყა, მიხსნიდა ოპერებიდან სიუჟეტებს, სულ ცოტა მონდომება და შეგიყვარდებაო. მე ის მახარებდა, შესაძლოა ის პირველი ჟურნალისტი ვიყავი, რომელმაც პირველმა ამცნო საზოგადოებას იმ მსოფლიო საოპერო ვარსკვლავის შესახებ, რომელიც ქვიშეთში დაიბადა და ახლა, ჩემს თვალწინ გაიბრწყინა.

თ. ჯავახიშვილი

ჩვენი საშობლო ჩვენი უბნიდან იწყება

ორიოდე თვის წინ, კავკასიის საერთაშორისო უნივერსიტეტმა გამოაცხადა კონკურსი „სამშობლო ჩემი უბნიდან იწყება“ ჟურნალისტიკისა და ტურიზმის მიმართულებით.

კონკურსში მონაწილეობის მიღება შეეძლოთ ზოგადსაგანმანათლებლო დაწესებულებების

ამაჟობს ყველა სურამელი და მათ შორის მარიამიც.

მან ფილმში აჩვენა, როგორ იწყება სამშობლო სიყვარული მისი უბნიდან, რომელსაც მიუხედავად იმისა, რომ იქ ებრაელები აღარ ცხოვრობენ, მაინც ებრაელთა უბანი ჰქვია.

მარიამის ფილმმა გაიმარჯვა ძალიან რთულ კონკურსში. გამარჯვებული, კონკურსსანტებთან ერთად, პრეზენტაციით წარსდგა თბილისის საერთაშორისო უნი-

საგვარეულოზე; აბრეშუმის გზაზე; ტყის მასივზე, რომელიც სურამს გარს აკრავს და რომლის შემოქმედიც დიდი სურამელი მამულიშვილი მიხეილ მურვანიშვილია; უნიკალურ ჰაერზე; ეკლესია-მონასტრებზე ამ პატარა დაბაში ასე მრავლად რომაა და ა.შ. და ა.შ.

მაგრამ მაინც მარიამის ახრით, სურამში ჩამოსული ტურისტები, პირველ რიგში, იმ ძეგლს ნახავს, რომელსაც არ აქვს საწყისი და არ ექნება დასასრული, ნახავს ძეგლს, რომელიც ყველაზე



საშუალო საფეხურის მოსწავლეებს.

საგანმანათლებლო რესურსცენტრის მეშვეობით, როდესაც კონკურსის შესახებ ინფორმაცია ხელმისაწვდომი გახდა ჩვენთვის, მასში დიდი სიამოვნებით ჩაება ჩემი სადამრიგებლო კლასის მოსწავლე მარიამ მეტრეველი.

ტურიზმით დაინტერესებულ კონკურსანტებს უნდა გადაეღოთ 8-10 წუთიანი ფილმი, რომელიც ფასდებოდა პრეზენტაციით, პრეზენტაციის თანმხლები ტექსტით, ვიზუალური მხარით.

მარიამმა თანაკლასელების დახმარებით კონკურსის ფარგლებში, გადაიღო ფილმი სურამელ ებრაელთა და ქართველთა ურთიერთობებზე, იმ ურთიერთობებზე, რაზეც ძალიან

ვერსიტეტში კონკურსის ჟიურის წინაშე, სადაც მან კიდევ ერთხელ სიამაყით აღნიშნა, რომ ქართველი ებრაელი ერთადერთია მსოფლიოში, რომელიც ამბობს, რომ ის ქართველიცაა, ხოლო სურამელი ებრაელი აუცილებლად იტყვის, თან სიამაყით, რომ ის სურამელი ებრაელია.

ისაუბრა იმაზე, რომ ებრაელთა უბნიდან წამოსულ ტურისტს, როგორი სიამაყით დაათვალიერებინებს სურამის ციხეს, რომელიც საქართველოს ისტორიის ერთ-ერთი თვალსაჩინო ილუსტრაცია და სურამელთა ერთგვარი საფიზიო ბარათიცაა. მოუყვება ისტორიას სურამზე, განვითარებული ფეოდალური საქართველოს ერთ-ერთ უდიდეს ქალაქზე; სურამელთა

ჭკვიანმა არქიტექტორმა ბუნებამ შექმნა. ამ არამატერიალურ ძეგლს, შეუძლია სამეაროში ომების დასრულება და ეს ძეგლი მისი უბანია, უბანი, საიდანაც მისი სამშობლო იწყება და ამ უბანს დღესაც (მიუხედავად იმისა, რომ იქ ქართველები ცხოვრობენ) ებრაელთა უბანი ჰქვია.

ძალიან მიხარია, რომ მარიამს შრომა დაუფასდა. კონკურსის ჟიური იგი სხვა კონკურსანტებთან ერთად დააჯილდოვა ფასიანი საჩუქრებით.

ეს დღე მის ცხოვრებაში ერთ-ერთი საუკეთესო იყო.

ნ. გოგოლაძე, სურამის III საჯარო სკოლის პედაგოგი

დაიწყო პატარა მდინარეების კალაპოტების წმენდის სამუშაოები

ხაშურის მუნიციპალიტეტის სოფლებში, მდინარეების კალაპოტების წმენდის სამუშაოები დაიწყო. ამჟამად, სოფელ ქემფერში, მდინარე ტილიანას კალაპოტის წმენდის სამუშაოები მიმდინარეობს. უხვი ნალექის დროს, მდინარის კალაპოტიდან წყალი გადმოდიოდა.



იტბორებოდა ადგილობრივი მოსახლეობა და საკარმიდამო ნაკვეთები. ტილიანას კალაპოტის გაწმენდა კი, ფრთხილ რისკებს შეამცირებს. სამუშაოებს, ხაშურის მუნიციპალიტეტის გამგეობის დაფინანსებით, შპს „ალიანსი+2007“ ახორციელებს.



აგარისა და ჯორჯაძის ქუჩები მოასფალტდება

ხაშურის მუნიციპალიტეტის გამგეობის დაფინანსებით, ხაშურში აგარის და ჯორჯაძის ქუჩების მონაკვეთების მოასფალტების სამუშაოები მიმდინარეობს. სამუშაოები, რომლებსაც შპს „გეკა“ ასრულებს, 2016 წლის სექტემბრის ბოლოსთვის დასრულდება.

არ გამოძალავდით, გვედრებით, მე თვითონ არ მქერა, მაგრამ ნირვანაში ყოფნა, ეტყობა, ესაა...

ეს რა ივნისი დადგა ჩვენთვის, საოცარი, არნახული და უმძებრესი... უკვე წარმოდგენილად კი შეჩვენებოდა, რომ პოლიტიკურად ანგაჟირებულ მიუღიერს ოდესმე, ერთი წუთით მანც თუ შექმნილ პოლიტიკის დაიწყება და რამე სხვა თემზე გადართვა. შეძლება! შეგვაძლებინეს! და ვინ? საქართველოს ნაკრების ფეხბურთელებმა. დედა, რა იყო ეს? ავერ, იმ შორეული 1981 წლის შემდეგ, 35 წელი გავიდა და მსგავსი სიხარული მიუღიერს .დევესტიდვა-ტვიით“ რომ დაუარა



ტანში, ვერ არ გვერე-ბია. ბოლო ათ წელიწადში მსოფლიოსა და ვერობის მოქმედი ჩემპიონი ესპანეთის ნაკრები მხოლოდ ერთხელ დამარცხდა საკუთარ სახლში და ისიც გერმანიის ნაკრებთან. ახლა კი ავერ, ამ პაწაწუნტელა საქართველომ არ მოუთავა ხელი? რავარი დასაჯერებელია, მაგრამ ვისაც გვეკვრა, გაგვატარეთ! ამ შუა ესპანეთში, ამ ხუთ და ათმილიონხელფასიან ვარსკვლავებს 350 ლარიან ხელფასიან ბიჭებსა სულ ადვის

მპარი აღინეს ცხვირში. ხან აქედან შემოგვიარეს, ხან იქიდან, მაგრამ „კარ ვერ ამტვრევს ძალადა“. ჩვენებმა კი წაიღეს და ისეთი ბუთქეს იმათ კარებს პიკე, რამოსი, ინიესტა და ძმანი მათნი, ვეჭვობ, ვერობის ჩემპიონატზეც გონდაკარგულები იქნებიან. ვივა, ჩვენს ბიჭებს, ვივა, საქართველოს! აქ გავრჩერდები, თორემ ისეთი აუტირებული ვარ სიხარულისგან, დაუსრულებლად შემძლია გწერო და ეგებ სხვა თემები გადამიწვიდეს.

სხვა თემები კი ისევ ფეხბურთს ეხება. ეტყობა, ივნისის პირველ დეკადას რაღაც მაგობრი აქვს და ზღვა გამარჯვებების სიხარული მოაქვს. ზოგს, შეიძლება, ჩვენი „ივერია“, ლამის ასწლიანი ტრადიციების მქონე გუნდი, დაავიწყდა კიდევ, მაგრამ არა, „ივერია“ ფეხზე დგას და ავერ, ისეთი სიურპრიზი შემოგვთავაზა, შენი მოწონებული.



06/09/2016 20:05

იდეები, რომელსაც ბავშვები ქალაქის შემდგომი განვითარებისათვის გვთავაზობენ

(დასასრული)
პროექტზე მუშაობის პერიოდში 4 მოხალისე, ერთი საათის განმავლობაში, გამოკითხა რესპოდენტები და მათმა 100% ისურვა ასეთი პარკის არსებობა ჩვენს ქალაქში.
საინტერესო ბიზნეს პროექტი შემოგვთავაზა მანანა
ხინააკიძე. ეს არის კემპინგ-ფესტივალი სახელწოდებით: „ტიტანთა საუფლოში“. კულტურული ტურიზმის განვითარებისათვის სასურველია დაარსდეს და წახალისდეს ხაშურის რაიონში, კოდიწყაროს ტბაზე, საზაფხულო მუდმივად მოქმედი ფესტივალი, რომლის საკვანძო თემა გახდება ამირანის ეპოსი. პროექტი ხელს შეუწყობს ახალი ტურისტული ზონის აღორძინებას. ტურისტებისათვის მოეწყობა თეატრალური დადგმები, ფოლკლორული კონცერტები. ტურები იქნება ინტელექტუალურ-გასართობიც და სპორტულ-შემეცნებითიც.
ნინო გიორგაძის ბიზნეს პროექტი საწვენებელ მუშაობებსა და მეფუტკრეობაზე საინტერესო იქნებოდა ავრარულ სფეროში დანერგვისადმი ადამიანებისთვის. ნინომ დასახა გზები თუ როგორ უნდა გაზარდოს ფერმერმა მოსავლიანობა შედარებით მცირე ნაკვეთზე. რაც შეეხება მეფუტკრეობას, თითოეულ ოჯახს, ნებისმიერ რეგიონში შეუძლია იყოლიოს 20-მდე ფუტკრის ოჯახი. მას შემდეგ, რაც შეისწავლის ფუტკრის მოვლის სპეციფიკას, შეუ-

ძლია ბიზნესიც გააფართოვოს.
შეხვედრაზე იმყოფებოდა ცხრამუხის დამოუკიდებელი მაჟორიტარი დეპუტატი პავლე ლაცაბიძე: ძალიან კარგი ბიზნეს-პროექტები იყო. საოცრად მონდომებული, ენთუზიასტი ბავშვები იყვნენ და ჩვენც, ჩვენი მხრივ, ხელი უნდა შევეწყობოთ მათ, რომ არამარტო პროექტი დაწერონ, არამედ განახორციელონ კიდევ. მე პირდაპირ მომეწონა კოდიწყაროს პროექტი, რომელიც უშუალოდ ჩვენს რაიონზეა მორგებული. შეგვიძლია დავიწყოთ ეტაპობრივად, გააკეთდეს მოსახვენებელი ადგილები, მაგიდები, საფხვმაგლო ბილიკები და მომავლში შესაძლებელი გახდებოდა, სწორედ ამ ადგილიდან დაიგეგმოს ტურები სხვადასხვა მიმართულებით. კარგი იქნება, თუკი ამ ბავშვებს შევასხვედრებთ ბიზნესმენებს, რათა მოუსმინონ მათ იდეებს და ფინანსების მოხილვა მოახდინონ თავისი რაიონის სასიკეთოდ.
შეხვედრას ესწრებოდნენ ვიკტორია კერინი და ამერიკის საელჩოს პრეს-ატაშე დენიელ პასტინგისი: „ძალიან დიდი მადლობა ამ მოსწავლეების ასეთი საინტერესო იდეების მოწოდებისათვის. მინდა ვითხრა, რომ ხაშური არის ძალიან მდიდარი ქალაქი, და თქვენი საგანძური დგას დღეს ამ სცენაზე, ამ ბავშვების სახით. ასე, რომ ყველაფერი გააკეთეთ იმისათვის, რომ ამ ბავშვებმა ქალაქი არ დატოვონ და თავისი იდეები თავისი ქალაქის სასიკეთოდ მომართონ.“

მ. ახალაკიძე

ხაშურის მუნიციპალიტეტის გამგეობა თანაგრძნობას უცხადებს ხაშურის მაჟორიტარ დეპუტატს ვალერი გელაშვილს დედის ლამარას გარდაცვალების გამო.

ხაშურის მუნიციპალიტეტის გამგეობა თანაგრძნობას უცხადებს ხაშურის მაჟორიტარ დეპუტატს ვალერი გელაშვილს დედის ლამარას გარდაცვალების გამო.

ხაშურის მუნიციპალიტეტის გამგეობა თანაგრძნობას უცხადებს ხაშურის მაჟორიტარ დეპუტატს ვალერი გელაშვილს დედის ლამარას გარდაცვალების გამო.

ხაშურის მუნიციპალიტეტის გამგეობა თანაგრძნობას უცხადებს ხაშურის მაჟორიტარ დეპუტატს ვალერი გელაშვილს დედის ლამარას გარდაცვალების გამო.

ხაშურის მუნიციპალიტეტის გამგეობა თანაგრძნობას უცხადებს ხაშურის მაჟორიტარ დეპუტატს ვალერი გელაშვილს დედის ლამარას გარდაცვალების გამო.

ხაშურის მუნიციპალიტეტის გამგეობა თანაგრძნობას უცხადებს ხაშურის მაჟორიტარ დეპუტატს ვალერი გელაშვილს დედის ლამარას გარდაცვალების გამო.

ხაშურის მუნიციპალიტეტის გამგეობა თანაგრძნობას უცხადებს ხაშურის მაჟორიტარ დეპუტატს ვალერი გელაშვილს დედის ლამარას გარდაცვალების გამო.

ხაშურის მუნიციპალიტეტის გამგეობა თანაგრძნობას უცხადებს ხაშურის მაჟორიტარ დეპუტატს ვალერი გელაშვილს დედის ლამარას გარდაცვალების გამო.

ხაშურის მუნიციპალიტეტის გამგეობა თანაგრძნობას უცხადებს ხაშურის მაჟორიტარ დეპუტატს ვალერი გელაშვილს დედის ლამარას გარდაცვალების გამო.

ბათუნა ცერცვაძის ხსოვნას
ხაშურის მუნიციპალიტეტის საკრებულო თანაგრძნობას უცხადებს ხაშურის მაჟორიტარ დეპუტატს ვალერი გელაშვილს დედის ლამარას გარდაცვალების გამო

ხაშურის მუნიციპალიტეტის საკრებულო თანაგრძნობას უცხადებს ხაშურის მაჟორიტარ დეპუტატს ვალერი გელაშვილს დედის ლამარას გარდაცვალების გამო

ხაშურის მუნიციპალიტეტის საკრებულო თანაგრძნობას უცხადებს ხაშურის მაჟორიტარ დეპუტატს ვალერი გელაშვილს დედის ლამარას გარდაცვალების გამო

ხაშურის მუნიციპალიტეტის საკრებულო თანაგრძნობას უცხადებს ხაშურის მაჟორიტარ დეპუტატს ვალერი გელაშვილს დედის ლამარას გარდაცვალების გამო

ხაშურის მუნიციპალიტეტის საკრებულო თანაგრძნობას უცხადებს ხაშურის მაჟორიტარ დეპუტატს ვალერი გელაშვილს დედის ლამარას გარდაცვალების გამო

ხაშურის მუნიციპალიტეტის საკრებულო თანაგრძნობას უცხადებს ხაშურის მაჟორიტარ დეპუტატს ვალერი გელაშვილს დედის ლამარას გარდაცვალების გამო